



# *Memorandum o razumijevanju Konzorcija za podršku izgradnji integriteta i smanjenju korupcije u sigurnosnom sektoru*

Memorandum o razumijevanju se sklapa između:

- (1) Centra za sigurnosne studije (Sarajevo)
- (2) Evropskog defendologija centra (Banja Luka)
- (3) Istraživačkog centra - Think Tank (Banja Luka)
- (4) Fakulteta za kriminalistiku, kriminologiju i sigurnosne studije, Univerziteta u Sarajevu (Sarajevo)
- (5) Visoke škole „Logos centar“ (Mostar)
- (6) Centra za međunarodne odnose (Banja Luka)
- (7) Udruženja za društveni razvoj i prevenciju kriminaliteta (Mostar)
- (8) Visoke škole "CEPS - Centar za poslovne studije" (Kiseljak)
- (9) Pravnog fakulteta Univerziteta u Bihaću (Bihać)
- (10) Nove sigurnosne inicijative (Sarajevo)

*(u dalnjem tekstu : članovi Konzorcija)*

## POZADINA I KONTEKST

- A. Korupcija je globalni problem koji negativno utječe na razvoj društva, podriva povjerenje u institucije vlasti i sprečava ekonomski razvoj. Korupcija prijeti vladavini prava, demokratiji i ljudskim pravima, otežava dobro upravljanje, pravednost i društvenu pravdu, doprinosi rastu organizovanog kriminala i ugrožava stabilnost demokratskih institucija.
- B. Bosna i Hercegovina je u maju 2015. godine usvojila Strategiju za borbu protiv korupcije 2015-2019. godine, te Akcioni plan za njenu implementaciju.
- C. Sektor sigurnosti može predstavljati plodno tlo za koruptivne aktivnosti uslijed njegove osobenosti vezane za tajnost i velika diskreciona ovlaštenja.
- D. Centar za sigurnosne studije realizira projekat „Izgradnja integriteta i jačanje anti-korupcijskih praksi u sektoru sigurnosti – ACROSS“ koji finansira Evropska unija.
- E. Glavni cilj projekta je jačanje transparentnosti i odgovornosti pri javnim nabavkama u sektoru sigurnosti. Projektom će se uspostaviti okvir za civilni nadzor javnih nabavki u sektoru sigurnosti.
- F. Ostvarivanjem zadanih ciljeva projekta, osnažiće se uloga civilnog društva u nadzoru nad javnim nabavkama, unaprijediti proces obuke, te uspostaviti nezavisno izvještavanje o javnim nabavkama u sektoru sigurnosti, što će doprinijeti eksternom nadzoru sektora sigurnosti.
- G. Aktivnostima projekta predviđeno je da se podrži implementacija 4 aktivnosti Strateškog programa 2.9. Akcionog plana za provedbu Strategije za borbu protiv korupcije 2015-2019. godine. Projektne aktivnosti obuhvataju i : (i) razvijanje metodologije za praćenje javnih nabavki u sektoru sigurnosti; (ii) formiranje konzorcija i jačanje kapaciteta organizacija civilnog društva koje pokazuju interes za javne nabavke u sektoru sigurnosti; (iii) jačanje kapaciteta monitoringa i izvještavanja o slučajevima korupcije u sektoru sigurnosti; (iv) podizanje svijesti javnosti o važnosti efikasnog i djelotvornog trošenja javnih sredstava; (v) održavanje obuka za pripadnike sektora sigurnosti.

## **SVRHA**

1. Članovi Konzorcija su saglasni da rade zajedno, u skladu sa odredbama ovog Memoranduma o razumijevanju i koristeći svoje napore, kako bi se podržala izgradnja integriteta i smanjenje korupcije u sektoru sigurnosti.

## **DJELOKRUG**

2. Članovi Konzorcija se obavezuju da:
  - (a) posvete odgovarajuće resurse i napore da u skladu sa sopstvenim obavezama podrže ispunjavanje svrhe Konzorcija,
  - (b) pruže savjete i podršku drugim članovima u ispunjavanju njihovih aktivnosti u skladu sa mogućnostima,
  - (c) doprinesu znanjem i stručnošću ispunjavanju svrhe Konzorcija,
  - (d) razmjenjuju bitne informacije za ispunjavanje svrhe Konzorcija,
  - (e) učestvuju u svim aktivnostima Konzorcija u skladu sa mogućnostima.

## **ODNOSI S JAVNOŠĆU**

3. Članovi Konzorcija će koristiti priliku da se na skupovima i medijskim obraćanjima promoviše uspostava Konzorcija.
4. Članovi Konzorcija će shodno potrebi zajedno nastupati u medijskim obraćanjima.
5. Na internet stranicama članova Konzorcija će se obezbijediti prostor za objavu o uspostavi Konzorcija, te u dalnjem periodu i o njegovim aktivnostima.
6. Putem društvenih mreža članovi Konzorcija će doprinijeti promociji aktivnosti drugih članova po pitanju izgradnje integriteta i smanjanja korupcije u sigurnosnom sektoru.

## STATUS MEMORANDUMA I STUPANJE NA SNAGU

Članovi Konzorcija su saglasni da Memorandum nema za cilj da stvori iscrpan skup obavezujućih odredbi i obaveza koje mogu imati pravne posljedice za njih. Međutim, svaki član prihvata da će ispunjavati svoje obaveze u skladu sa odredbama Memoranduma.

Memorandum stupa na snagu činom njegovog potpisivanja.

## POTPIS

Memorandum je potписан u 3 primjerka.


Vlašić, 13.07.2016. godine


Centar za sigurnosne studije (Sarajevo)


Evropski defendologija centar (Banja Luka)


Istraživački centar - Think Tank (Banja Luka)


Fakultet za kriminalistiku, kriminologiju i sigurnosne studije, Univerzitet u Sarajevu  
(Sarajevo)


  
Visoka škola „Logos centar“ (Mostar)

  
Centar za međunarodne odnose (Banja Luka)

  
Udruženje za društveni razvoj i prevenciju kriminaliteta (Mostar)

  
Visoka škola "CEPS - Centar za poslovne studije" (Kiseljak)

  
Pravni fakultet Univerziteta u Bihaću (Bihać)

  
Nova sigurnosna inicijativa (Sarajevo)